

# Samfylkingin í Reykjavík

# FLOKKSVÁL

16. OG 17.  
NÓVEMBER  
2012

Netkosning fer fram á [www.samfylkingin.is](http://www.samfylkingin.is) eða í Laugardalshöllinni

Flokksval Samfylkingarinnar í Reykjavík vegna alþingis-  
kosninganna 2013 fer fram með netkosningu föstu-  
daginn 16. og laugardaginn 17. nóvember. Kosning  
fer fram á heimasíðu Samfylkingarinnar, [samfylkingin.is](http://samfylkingin.is)  
og þar eru leiðbeiningar um hvernig netkosning fer fram  
ásamt upplýsingum um flokksvalið og frambjóðendur.  
Kosningarétt hafa flokksfélagar í Samfylkingarfélagunum  
í Reykjavík sem höfðu skráð sig fyrir lokun kjörskrár.

## Kjörstaður í Laugardalshöll 17. nóvember

Fyrir þá sem þurfa aðstoð við kosninguna, hafa ekki aðgang  
að tölvu eða nota ekki heimabanka verður kjörstaður í  
Laugardalshöll laugardaginn 17. nóvember. Þar verður opið kl.  
10.00-18.00 og ilmandi kaffi á könnunni.

## Utankjörfundaratkvæðagreiðsla

Peir sem ekki eiga þess kost á að mæta á kjörstað á laugar-  
daginn geta kosið utan kjörfundar á skrifstofu Samfylk-  
ingarinnar á Hallveigarstíg 1, 2. hæð. Þar er gott aðgengi  
fyrir alla. Utankjörfundaratkvæðagreiðslan er opin 12.-  
15. nóvember kl. 16.00-19.00 og föstudaginn 16. nóvember  
kl. 14.00-19.00.

Kjósendur í flokksvalinu velja frambjóðendur í bæði  
Reykjavíkurborg og Kjördæmin. Þeir tveir frambjóðendur sem  
fá flest atkvæði munu skipa forystusætin, hvor á sínum  
framboðslistanum. Kjósendur skulu velja átta frambjóð-  
endur, hvorki fleiri né færri. Átta efstu sætin eru bindandi að  
teknu tilliti til jafns kynjahlutfalls.

Samfylkingin



Freyja 7.-8. sæti Helgi 2. sæti Hrafnhildur 5. sæti Mörður 3. sæti Ósk 6. sæti Sigríður 1.-2. sæti Skúli 2.-3. sæti Teitur 4.-5. sæti Valgerður 1.-2. sæti Össur 1. sæti Anna 3.-4. sæti Arnar 4.-5. sæti Björk 3.-4. sæti

## FREYJA STEINGRÍMSDÓTTIR

7.-8. SÆTI

# Heilbrigðari stjórnsmál

Freyja Steingrimsdóttir stígur ung og fersk  
fram á svið stjórnsmálanna með háleitar  
hugmyndir og skoðanir á málefnum hins  
íslenska samfélags. Lýðræði, jafnrétti og heil-  
brigð stjórnsmál eru Freyju efst í huga en sér í  
lagi leggur hún áherslu á aðkomu unga fólksins  
að hinum hefðbundnu stofnunum lýðræðisins.

## Brúum kynslóðabilið

Freyja leggur áherslu á að brúa kynslóðabilið  
í íslenskum stjórnsmálum, stuðla að virkri um-  
ræðuhefð og auka traust almennings, einkum  
ungs fólks, á stjórnsmálum með heilbrigðari  
starfsháttum. Jafnframt eru málefni og hags-  
munir ungmenna Freyju hugleiknir en hún vill  
að stjórnvöld beiti sér sérstaklega fyrir málefnum  
þeirra, sér í lagi á sviði mennta- og atvinnu-  
mála.

Stjórnsmálin og flokkarnir eru að eldast, þeir  
höfða ekki lengur til yngstu kjósendanna. Gjá  
hefur myndast á milli ungmenna, sem hafa  
áhuga á stjórnsmálum en finna sig ekki á hinum  
hefðbundna stjórnsmálavettvangi, og stjórn-  
smálanna sem stunda gamaldags stjórnsmál  
og skilja ekki áhugaleysi ungmenna á þeim.  
Veruleiki ungs fólks kallar á sérstæð hags-  
munamál og sértæka fulltrúa.

## Gerendahæfni á alþjóðavettvangi

Íslendingar þurfa að halda áfram að vera sterkir  
gerendur á sviði alþjóðastjórnsmála. Gerenda-  
hæfni okkar á taflborði alþjóðasamfélagsins  
hefur aukist samfara vaxandi sjálfstrausti okkar  
og höfum við raunverulegt tækifæri til áhrifa á  
þeim vettvangi. Aukin framlög til þróunarað-  
stoðar telur Freyja jafnframt vera forgangsráði  
Aðild Íslands að Evrópusambandinu er  
Freyju hjartans mál enda telur hún hagsmunum  
Íslendinga vera best borgið í náinni samvinnu  
við aðrar Evrópuþjóðir.



Freyja Steingrimsdóttir, stjórnsmálafræð-  
ingur, býður sig fram í 7.-8. sæti í flokksvali  
Samfylkingarinnar í Reykjavík. Freyja er 23  
ára Reykvikingur og stundar nú framhalds-  
námi í hagnýtum jafnréttisfræðum sam-  
hliða verkefnavinnu fyrir lektor við stjórn-  
smálafræðideild HÍ og ýmsum nefndarstörfum.

## Áherslumál:

- Málefni yngsta kjósendahópsins: Brúum kynslóðabilið yfir í heilbrigðari stjórnsmál
- Heilbrigðari stjórnsmál: Þverpólísk samvinna og umræðustjórnsmál
- Jafnrétti fyrir alla: Grundvallaratriði í réttlátu samfélagi jöfnuðar
- Gerendahæfni á alþjóðavettvangi: Beitum okkur á sviði mannúðar- og lýðræðismála
- Ísland og Evrópa: Griðarmikið hagsmunamál fyrir almennig

## HELGI HJÖRVAR

2. SÆTI

# Forysta jafnaðarmanna

Á föstudag og laugardag gefst okkur í  
Samfylkingunni kostur á að velja forystu  
flokksins í Reykjavík. Ég sækist eftir  
stuðningi ykkar til að leiða annað kjördæmið  
hér í Reykjavík, en sit nú í öðru sæti á eftir  
Jóhönnu Sigurðardóttur í Reykjavík norður.

Jafnaðarmenn á hinum Norðurlöndunum  
hafa haft forystu um uppbyggingu norræns  
velferðarríkis. Það var reist á rústum krep-  
unnar miklu. Það skiptir framtíð Íslands öllu  
máli að endurreisnin hér sé líka undir forystu  
jafnaðarmanna. Aðeins þannig verða jöfnuðar,  
almannahagsmunir, þjóðareign auðlinda, öflugt  
velferðarkerfi og alþjóðleg samvinna í öndvegi.  
Það fer auk þess vel á því að við sem höfðum  
forystu um hreinsunarstarfið, leiðum áfram  
uppbygginguna.

## Árangur og umboð

Sígandi lukka er best. Víða um lönd hefur  
viðsnúningurinn á Íslandi vakið verðskuldaða  
athygli. Við jafnaðarmenn getum gengið hjart-  
sýn til kosninga vegna þess góða árangurs sem  
náðst hefur. Um leið verðum við af eldmóði  
að vinna úr erfiðleikum sem hópar fólks og  
fyrirtækja glíma enn við. Þar er stórum verk-  
efnum enn ólokið.

Ég hef á þessu kjörtímabili leitt starf Norður-  
landaráðs og haldið utan um efnahags- og  
skattamál í þinginu. Þá bættust bankamálin  
við sl. vetur en þar eigum við í Samfylkingunni  
enn mikið ógert til að bæta úr málum. Í þessum  
verkum er spurt um umboð. Til þess að ná  
árangri í þeim þarf maður sterkt umboð frá  
félögum sínum. Þess vegna sækist ég eftir  
þínum stuðningi til að leiða annað kjördæmið  
í Reykjavík.



Helgi Hjörvar er formaður efnahags- og  
viðskiptanefndar Alþingis og formaður  
jafnaðarmanna í Norðurlandaráði. Hann  
hefur verið formaður umhverfisnefndar  
Alþingis, forseti Norðurlandaráðs og forseti  
borgarstjórnar og auk þess sinnt öðrum  
forystuverkefnum m.a. í samtökum fatlaðra.

## Munum:

- ad tryggja þarf þjóðareign auðlinda í stjórnskrá og arð af auðlindum í auðlindasjóð.
- ad það er forgangsmál að efla velferðarkerfið og berjast gegn fátækt.
- ad tryggja þarf stöðu almennings gegn bönkunum og aðskilja starfsemi fjárfestingarbanka og viðskiptabanka.
- ad launamisrétti kynjanna er útbreiddasta gréttleitið í samfélaginu.
- ad við þurfum gjaldmiðil sem er hvorki verðtryggt, gengistryggt né með okurvöxtum.

## HRAFNHILDUR RAGNARSDÓTTIR

5. SÆTI

## Ég vil jöfnuð og réttlæti

Ég trúi því að besta leiðin til að skapa sátt á Íslandi eftir bankahrunið sé bein aðkoma fólks að ákvörðunum og upplýsingum. Aðgangur að upplýsingum um hvernig ákvarðanir eru teknar og tækifæri til áhrifa áður en ákvörðun er tekin skiptir öllu. Þá verða stjórnvöld að starfa fyrir opnum tjöldum.

## Jafnrétti

Óútskýrður launamunur kynjanna hefur aukist og konur hafa allt að fjórðungi lægri heildartekjur en karlar. Það þarf viðhorfsbreytingu og pólitískan vilja til að útrýma slíku misrétti.

Ég vil berjast gegn kynbundnu ofbeldi og krefst þess að samfélagið segi skýrt nei við ofbeldi gegn konum og öllu öðru ofbeldi. Hlutgerving kvenna, klámvæðing og vændi eru allt samfélagsmein sem ala á ofbeldi gegn konum. Ég vil auka fræðslu til ungs fólks um skaðleg skilaboð kláms og taka upp strangari viðurlög við brotum á jafnréttislögum í auglýsingum. Brot á vændisögum þarf að taka alvarlega og hefja þarf raunverulega baráttu gegn mansali. Ég vil auka fræðslu til almennings og fagfólks innan réttarkerfisins um kynferðisafbrot og taka á þessum brotum í samræmi við alvarleika þeirra.

Ég tel að löngu sé orðið tímabært að bæta kjör námsmanna. Endurskoða þarf núverandi námslánakerfi og búa til hvata fyrir námsmenn að ljúka námi á tilskyldum tíma með því að breyta hluta láns í styrk. Slíkt myndi lækka brottfall í háskólum og skila menntuðu fólki fyrr út á vinnumarkaðinn.

Ég vil að Ísland verði fyrirmynd annarra í skynsamlegri nýtingu náttúruauðlinda, notkun umhverfisvænna orkugjafa og velferðar-samfélag sem gætir hagsmuna náttúrunnar, því þeir eru einnig hagsmunir fólksins.




**Hrafnhildur Ragnarsdóttir** er 33 ára, formaður Kvinnahreyfingarinnar og fyrrv. framkvæmdastjóri Ungra jafnaðarmanna. Hún er stjórn málafræðingur og hefur starfað við fyrirtækjaraðgjöf PwC, deildarstjóri þjónustuværs Reykjavíkurborgar og nú sérfræðingur á Þjóðskjalasafni.

## Áherslumál:

- **Aukið lýðræði:** Auka áhrif fólks og skapa sátt.
- **Leiðréttum launamun:** Útrýma kynbundnum launamun og vinna gegn kynbundnu starfsvali.
- **Nei við ofbeldi:** Berjast gegn kynbundnu ofbeldi.
- **Bætt kjör námsmanna:** Endurskoða lánafrýrkomulag námsmanna og breyta hluta láns í styrk.
- **Hugsun grænt:** Sjálfbær orkunýting og nýsköpun.

## KYNNINGARFUNDUR Í IÐNÓ

Sameiginlegur kynningarfundur frambjóðenda verður haldinn í Iðnó við Tjörnina á morgun miðvikudagskvöldið 14. nóvember kl. 20. Frambjóðendur í flokksvalinu halda framsögu og svara spurningum úr sal. Við hvetjum allt Samfylkingarfólk í Reykjavík til að fjölmenna og kynna sér frambjóðendur og málflutning þeirra.



## Landsfundur Samfylkingarinnar

Landsfundur Samfylkingarinnar verður haldinn 1.-3. febrúar 2013. Staðsetning fundarinnar og dagskrá verða kynnt síðar.

Allir félagar í Samfylkingunni eiga sæti á landsfundi með málfrelsi og tillögurétti. Atkvæðisrétt á fundinum hafa fulltrúar aðildarféлага samkvæmt lögum flokksins.

xs.is

Framkvæmdastjórn Samfylkingarinnar

## MÖRÐUR ÁRNASON

3. SÆTI

## Til þjónustu reiðubúinn

Þingmennskan er áhrifastaða en líka þjónustustarf. Ég vil þjóna í nafni jafnaðarstefunnar. Þið vitið hvað það merkir á okkar tímum: Jöfnuður og jafnrétti einkenna samfélagið, velferð og atvinnulíf haldast í hendur, grænar áherslur móta daglegt líf og sambúð okkar við landið.

Við höfum staðið okkur vel við erfiðar aðstæður frá hruni. Fyrir kosningarnar í vor þurfum við að hafa góða og trúverðuga framtíðarstefnu. Við þurfum að sýna kjósendum að við ætlum að fara í verkin af heilindum og heiðarleik. Ég er reiðubúinn og legg fram reynslu mína, hugmyndir og krafta.

## Samtíð

Ég hef verið þingmaður jafnaðarmanna í stjórnarandstöðu 2003–2007 og frá 2010 í meirihluta með Jóhönnu Sigurðardóttur – lagt áherslu á jöfnuð, umhverfisstefnu og náttúruvernd, verið jafnréttissinni og íslenskumáður – hef unnið á þingi í umhverfismálum, menningarmálum, atvinnumálum, Evrópumálum – síðustu misseri verið upptekinn við rammaáætlunina um verndar- og orkunýtingu – lít svo á að greining og gagnrýni sé nauðsynlegur hluti af hollustu við málstaðinn og flokkinn.

## Framtíð

Ég vil klára rammann og hefja næsta kafla í atvinnu- og umhverfismálum: Koma á grænu hagkerfi – ljúka viðræðum við Evrópusambandið með samningi og þjóðaratkvæðagreiðslu – vil að atvinnugreinar sem byggjast á sköpun, menntun og menningu verði viðurkenndar sem undirstöðugreinar – að við uppbyggingu velferðarþjónustunnar verði ný hugsun um þriðja æviskeiðið eitt af meginsteffunum – að Samfylkingin verði forystuaflið í næstu ríkisstjórn.



**Mörður Árnason.** Mér finnst stjórn málin mikilvæg en íslenskan togar líka. Á lífið framundan en er samt að eldast. Bý á Laugaveginum með Lindu, líður vel í borgum og ekki síður úti í náttúrunni. Afabörnin eru þrjú og stuðningssonur að auki.

## Munum:

- **Klassísk jafnaðarstefna** er grunnurinn: **Frelsi, jafnrétti, bræðralag. Á 21. öld snýst hún líka um kvenfrelsi og umhverfissvitur – jafna stöðu kynjanna og kynslóðanna.**
- **Samfylkingin er meginflokkur í íslenskum stjórn málum, vinstra megin við miðju, og á að starfa sem slík, með skyldum flokkum og hreyfingum.**
- „Ég trúi því, sannleiki, að sigurinn þinn / að síðustu vegina jafni.“

## ÓSK VILHJÁLMSDÓTTIR

6. SÆTI

## Skapandi hugsun

Mikilvægasta hlutverk stjórn mála er að skapa, og endurskapa sífellt, samfélag þar sem ríkir lýðræði, frelsi og jafnrétti. Stjórn mála eiga að vera skapandi og um leið uppbyggileg, áhugaverð og eftirsóknarverð. Ég tel mikilvægt að sem flestir láti til sín taka á þessum mikilvæga vettvangi.

## Umhverfisvernd

Ég hef brennandi áhuga á skapandi hugsun í samfélaginu og umhverfisvernd. Tímarnir kalla á umhverfisvernd, þar eru mikil tækifæri í nýsköpun og atvinnuuppbyggingu.

Undanfarin sumur hef ég þróað námskeið fyrir börn og unglinga þar sem náttúruupplifun og myndlist fléttast saman. Þeim er ætlað að auka næmi þeirra fyrir náttúrunni og styrkja hæfileika þeirra til að tjá sig.

## Ferðaþjónusta: áhersla á gæði

Ferðaþjónusta er ein mikilvægasta stöðin í efnahagslífinu í dag. Þegar vandað er til verka styrkir hún menningu okkar til sjávar og sveita og um leið búsetu í dreifðari byggðum landsins.

Of mikil áhersla hefur verið lögð á fjölda ferðamanna, of lítil á gæði. Skatttekjur, gisti-náttagjald og virðisauki af ferðaþjónustu ættu að renna í auknum mæli til sveitarfélaga svo þau hafi burði til að taka á móti auknum fjölda ferðafólks.

## Lýðheilsa

Nauðsynlegt er að ýta undir þá vakningu sem átt hefur sér stað í sambandi við hollt mataræði og hreyfingu, útivist, hjólreiðar ofl. Þessu þarf að fylgja eftir og tryggja lýðheilsu barna og ungmenna.



Myndlistarmaður, leiðsögumaður, rek ferðaþjónustufyrirtæki. Ein af stofnendum Framtíðarlandsins. Sat í stjórn Nýlistasafnsins, stjórnarformaður í nokkur ár. Sit í umhverfisnefnd og flokksstjórn og sat á þingi sem varamaður 2011. Tek þátt í kórstarfi, stunda langhlaup. Gift Hjálmar Sveinssyni. Þrjú börn.

## Baráttumál:

- **Náttúru- og umhverfisvernd**
- **Skapandi greinar** – skapandi atvinnulíf
- **Lýðheilsa og menntun**
- **Mannréttindi - jafnrétti kynjanna**
- **Málefni ferðaþjónustunnar**

## SIGRÍÐUR INGIBJÖRG INGADÓTTIR

1.-2. SÆTI

## Sanngirni og samvinna

Ég býð mig fram í 1.-2. sæti í flokksvali Samfylkingarinnar í Reykjavík. Í síðustu kosningum leiddi kona aðeins einn af sex framboðslistum Samfylkingarinnar. Það er óviðunandi fyrir nútímalegan jafnaðarmannaflokk og ég vil leggja mitt af mörkum til að breyta því. Ég er hagfræðingur með áhuga á velferðarmálum, húsnæðismálum og efnahagsmálum. Á yfirstandandi kjörtímabili leiddi ég samráðshóp um nýja húsnæðisstefnu og hef ég verið formaður félagsmálanefndar, fjárlaganefndar og nú velferðarnefndar Alþingis. Í nefndarstörfum hef ég lagt áherslu á samvinnu óháð flokkum þó að ég hræðist ekki hugmyndafræðileg átök.

Við höfum tekist á við afleiðingar efnahagsbrunsins en samtímis breytt áherslum í íslensku samfélagi og aukið jöfnuð. Enn er mikið starf óunnið við að endurreisa íslenskan efnahag og mikilvægt að dreifa byrðunum með réttlátum hætti. Skattakerfinu var breytt til að verja hag lág- og millitekjufólks. Mikilvægt er að standa vörð um þessar breytingar og vinna áfram að sanngjörnu skattakerfi.

## Húsnæðis- og velferðarmál

Á næsta kjörtímabili vil ég leggja áherslu á að breyta húsnæðiskerfinu með því að skapa öruggan leigumarkað, draga úr vægi verðtryggingar og lækka vaxtakostnað. Skapa þarf samstöðu um þær breytingar.

Afleiðingar hrunsins hafa óhjákvæmilega reynt á grunnstöðir velferðarríkisins. Álag á starfsfólk er víða mikið, ekki síst á fjölmennar kvennastéttir í heilbrigðis- og menntakerfinu sem hafa haldið íslensku samfélagi gangandi. Með batnandi hag ríkissjóðs vil ég forgangsráða í þágu velferðarþjónustu. Með auknum jöfnuði og félagslegu réttlæti byggjum við betra samfélag.



Sigríður Ingibjörg er hagfræðingur með áhuga á velferðar- og efnahagsmálum. Hún er gift, á fjögur börn og hefur áhuga á fólki. Hægt er að kynna sér stefnu hennar og störf á sigriduringibjorg.is og facebook.com.

## Áherslumál:

- **Ný húsnæðisstefna.** Virkan og öruggan leigumarkað, minna vægi verðtryggingar og lægri vexti.
- **Velferðarþjónusta í forgang.** Styrkjum undirstöður velferðarríkisins, sjúkrahús, hjúkrunarheimili, félagsþjónustu og skóla.
- **Sanngjarnt skattakerfi og almannatryggingar.**
- **Ábyrg hagstjórn forsenda velferðar.**
- **ESB-áðild.** Klárur samningaviðræður.

## TEITUR ATLASON

4.-5. SÆTI

## Saman tökum við þetta

Góðu kjörtímabili að ljúka og nú þarf nýtt fólk í bland við það gamla til að halda áfram. Samfylkingin má ekki verða sama fylkingin aftur og aftur. Ég er tilbúinn að berjast fyrir jafnaðarmannastefnunni og ég vil taka þátt í því að móta réttlátt og fagurt samfélag. Ég hef alltaf stefnt að afskiptum af stjórnáttum og tímum er tilvalinn. Ég er óhræddur og ég held að það sé góður eiginleiki í pólitík.

## Fulltrúi venjulegs fólks

Ég er ekki í neinni klíku og var ekki í 20 ára afmælisveislu Röskvu. Ætli ég geti ekki talist fulltrúi venjulegra kjósenda Samfylkingarinnar í þessu prófkjöri. Éger gegnheillsósíaldemókrati og sækji pólitískan innblástur til grunnilda jafnaðarmannastefnunnar.

Ég vil færa Samfylkinguna til vinstri, nær kjarnanum, og styrkja tengslin við verkalyðshreyfinguna. Um leið þurfum við að ráða við að vera ósammála um einstök mál, syngja margraddað en í réttum tón. Þannig eru stóru jafnaðarmannaflokkar Norðurlanda og þangað eignum við að sækja okkur innblástur og fyrirmyndir.

## Endurnýjun er nauðsynleg

Ég vil koma því á einhvern veginn að fólk sitji ekki á þingi meira en tvö kjörtímabil. Fólk sem tekur þátt í stjórnáttum ætti að vera með skýr tímasett markmið. Reynsluboltarnir ættu svo að leggja grasrótinni lið. Stjórnáttir eru ekki bara fyrir atvinnumenn eða sérfræðinga – þau eru líka fyrir okkur hin. Það sem þarf er hugrekki og dugnaður, hugsjónir jafnaðarmanna og heilbrigð dómgreind. Þess vegna gef ég kost á mér og sækist eftir 4.-5. sætinu.



Teitur Atlason er fæddur árið 1969 í Reykjavík. Hann er giftur Ingunni Jónsdóttur og saman eiga þau tvo syni, Bessa og Leó. Teitur á unglingsdótturina Auði úr fyrra sambandi.

## Áherslumál:

- **Breiðari trygginaverd.** Tannlækningar ættu að vera hluti af velferðarkerfinu.
- **Málfræðisstjórn:** sem hefði það hlutverk að verja blaðamenn og bloggara gegn málshöfðunum.
- **Skatt á ofurlaun:** Fordæmi frá Frakklandi. 75% skatt á ofurlaun
- **Málefni flóttafólks:** Við eigum að taka vel á móti flóttafólki.
- **Einstæðir fedur:** Margir festast í fátæktargildru réttindalausir í svartri vinnu.

## SKÚLI ÞÓR HELGASON

2.-3. SÆTI

## Sköpum betra samfélag

Samfylkingin hefur stýrt rústabjörgun eftir hrún og höfum við náð miklum árangri í að koma jafnvægi á ríkisfjármálin, sem er forsenda þess að hægt sé að auka velferð og hagsæld í samfélaginu.

## Kjarkur gegn tregðu

En verkefni okkar er hvergi nærri lokið. Nú þurfum við að efla innviði almannaþjónustunnar, endurskoða landbúnaðarkerfið, opna kvótakerfið fyrir nýliðun og eðlilegri samkeppni, styrkja neytendavernd ekki síst á fjármála- og bæta þjónustu mennta- og velferðarkerfis. Þetta eru risavaxin verkefni sem útheimta mikið úthald og útsjónarsemi en þó aðallega kjark til að standast tregðulögmál og ágjöf sérhagsmunaafli í samfélaginu. Ég treysti mér vel í þann leiðangur eftir þá dýrmetu reynslu sem ég hef aflað mér á kjörtímabilinu. Ég mun áfram einbeita mér að því að vinna málefnalega, leita lausna og koma góðum hlutum í verk.

## Græna hagkerfið vísar veginn

Ég er stoltur af stefnunni um græna hagkerfið þar nýttum við krafta fólks úr öllum flokkum til að móta umhverfisvæna efnahagsstefnu til framtíðar og sýndum fram á að Alþingi getur náð saman um þjóðþrifamál ef vilji er fyrir hendi. Nú erum við að tryggja fjármagn til að hrinda fyrsta áfanga stefnunnar í framkvæmd strax eftir áramót.

Ég hef leitt vinnu við samþættingu mennta- og atvinnustefnu og hún hefur sannfært mig um það að umbætur í menntamálinu eru lykillinn að því að skapa hér á landi fjölbreytt atvinnulíf sem byggir á nýsköpun og tækniþekkingu. Við þurfum að skapa nemendamiðað menntakerfi, sem virkjar styrkleika allra nemenda og kveikir forvitni þeirra með fjölbreyttum kennsluháttum.



Skúli Helgason var formaður nefndar Alþingis um eflingu græna hagkerfisins og formaður starfshóps um samþættingu menntunar og atvinnu. Skúli er varaformaður allsherjar- og menntamálanefndar Alþingis. Skúli er 47 ára, kvæntur og fjögurra barna faðir.

## Áherslumál:

- **Græna hagkerfið sameinar verðmætasköpun og umhverfisvernd.**
- **Virkjum heilbrigða samkeppni í sjávarútvegi og landbúnaði.**
- **Skerum upp herör gegn skattsvikum, sem ógna samfélagssáttinn.**
- **Menntakerfið dragi fram styrkleika nemenda og kveiki áhuga þeirra.**
- **Ég vil berjast fyrir bættari meðferð kynferðisbrotamála og öflugri forvörnum.**

## VALGERÐUR BJARNADÓTTIR

1.-2. SÆTI

## Þor &amp; þrautseigja

Ég hef setið eitt kjörtímabil á þingi og sækist nú eftir að leiða lista í Reykjavík. Undanfarið hefur aðalverkefnið verið stjórnarskráarmálið. Það var ekki auðveld sigling og stundum hélt ég að við værum komin upp á sker. En okkur tókst alltaf að rétta bátinn af. Vissulega hefur reynt á þrautseigjuna, en af henni hef ég nóg.

Þjóðaratkvæðagreiðslan þann 20. október var stórsigur. Sést það enda á viðbrögðum andstæðinganna sem sumir virðast líta svo á að stjórnáttamenn einir – eða kannski bara einn stjórnáttaflokkur? – hafi leyfi, burði og getu til að gera tillögu að nýrri stjórnarskrá.

## Siglum stjórnarskránni í höfn

Á næstu dögum, ef ekki nú þegar, liggur fyrir frumvarp að nýrri stjórnarskrá, byggt á tillögum stjórnlagaráðs. Aðeins skemmdaverk getur komið í veg fyrir að ný stjórnarskrá verði afgreidd á Alþingi fyrir kosningar í vor. Endahnúturinn verður bundinn á næsta kjörtímabili, en nýtt þing lýkur afgreiðslu málsins. Þessu máli vil ég fylgja áfram.

## Réttur fólksins

Það er skelfilegt að fólk veigri sér við að standa á rétti sínum gagnvart hinu opinbera. Í skýrslum Umboðsmanns Alþingis kemur fram að sú er virkilega raunin. Þingið hefur eftirlit með framkvæmdarvaldinu, og verður að fylgjast með því að fólk geti treyst stofnunum ríkisins.

Fyrri hluta kjörtímabilsins var ég varaformaður utanríksmálanefndar. Þar hef ég getað fylgst með því að fagmannlega hefur verið staðað að aðildarviðræðum við ESB. Þeim verður að sjálfsgöðu að ljúka áður en málið verður lagt í dóm þjóðarinnar.



Ég hef mikla starfsreynslu: Í einkageiranum, á sviði alþjóðamála og í opinberri þjónustu. Hef verið á vinnumarkaði í tveimur löndum í 35 ár. Hef setið eitt kjörtímabil á þingi og óska eftir umboði til þess að halda áfram að vinna þar að mínum baráttumálum.

## Baráttumál:

- **Alþingi samþykki frumvarp að nýrri stjórnarskrá, fyrir kosningar.**
- **Nýtt þing þarf að staðfesta stjórnarskráfrumvarpið.**
- **Fólk má ekki óttast hið opinbera. Þingið verður að fylgjast með því að fólk geti treyst stofnunum ríkisins.**
- **Ljúkum aðildarviðræðum um ESB. Þá segir þjóðin sitt álit.**
- **Við jafnaðarmenn, öll, berjumst fyrir: Jöfnuði, atvinnu og velferð.**

## ÖSSUR SKARPHÉDINSSON

1. SÆTI

## Leiðtoga í 1. sætið

Víð nefnum hér sérstaklega sex ástæður fyrir því að velja Össur Skarphédinsson í 1. sæti á lista Samfylkingarinnar í Reykjavík til alþingiskosninga vorið 2013:

Í fyrsta lagi er það úrslitaatriði fyrir Samfylkinguna að hafa reyndan samningamann í því liði sem semur um stjórnarmyndun að loknum kosningum.

Í öðru lagi hefur hann fyrir hönd þjóðarinnar stýrt samningum við Evrópusambandið, sem hefur að markmiði að tryggja hagsmuni Íslands í stóru og smáu; stórkæna fjárfestingu, stöðugleika í efnahagsmálum, lægri vexti fyrir fjölskyldur og heimili og samkeppnishæft rekstrarumhverfi fyrir heimilin og stór og smá fyrirtæki.

Í þriðja lagi tók Össur frumkvæði að því að Ísland braut í blað og viðurkenndi á síðasta ári fullveldi og sjálfstæði Palestínu.

Í fjórða lagi setti Össur málefni Nordurslóða í forgang í utanríkisstefnu Íslands.

Í fimmta lagi hefur Össur fjölda hugmynda um ný atvinnutækifæri. Hann hefur með stuðningi við sprotafyrirtæki og kvikmyndagerð sýnt hvernig hægt er að efla nýjar atvinnugreinar sem skapa fjölmörg störf.

Í sjötta lagi hefur Össur Skarphédinsson frá unga aldri verið í hópi þeirra leiðtoga í hreyfingu jafnaðarmanna sem af mestri djörfung hefur haldið á lofti grunnildum sígildrar jafnaðarstefnu.

Össur sameinar helstu kosti góðs leiðtoga; hann er hugmyndaríkur og skapandi stjórnmalamaður – og sérlega samningslipur og leiðandi í hreyfingu jafnaðarmanna. Snjall ræðumaður og hlýr félagi. Hann sýnir í verkum sínum samúð og samstöðu með þeim sem höllum fæti standa og er réttssýnn og sanngjarn við andstæðinga jafnt sem samherja.

*Stuðningsmenn Össurar*



Össur Skarphédinsson er einn reyndasti stjórnmalamaður Íslendinga. Hann er kvæntur Árnýju Erlu Sveinbjörnsdóttur prófessor og þau eiga tvær dætur. Við teljum mikilvægt að Össur verði áfram í forystu fyrir hreyfingu jafnaðarmanna.

## Við viljum Össur í forystu fyrir:

- samningaumleitunum um nýja ríkisstjórn
- viðræðum Íslendinga við Evrópusambandið
- sjálfstæðri utanríkisstefnu, samstöðu með smáþjóðum og þjóðfrelsi í Palestínu
- kraftmikla atvinnuuppbyggingu á nýju kjörtímabili
- sókn sprotafyrirtækja, ferðaþjónustunnar og skapandi greina

## ANNA MARGRÉT GUÐJÓNSDÓTTIR

3.-4. SÆTI

## Ákveðin til verka

Baráttunni fyrir betra samfélagi er langt frá því lokið. Aðild að Evrópusambandinu og kraftmikil atvinnuþróun eru meðal mikilvægustu verkefna næstu ára.

## Valkostur við stóriðjustefnu

Atvinnumál eru velferðarmál. Það varðar velferð okkar allra hvers konar störf eru í boði nú og í framtíðinni. Ég vil beina kröftum mínum að því að efla lítil og meðalstór fyrirtæki. Stefna stjórnvalda á að beinast að því að styrkja þessi fyrirtæki, bæta starfsumhverfi þeirra og aðstoða þau við að þróa nýjar vörur og þjónustu. Þá þarf að búa betur í haginn fyrir ungt fólk, frumkvöðla og einyrkja og auðvelda þeim að skapa sér atvinnutækifæri. Þetta er atvinnustefna sem skapar gjaldeyrstekjur og virðisaukandi störf fyrir fólk um allt land, í sátt við umhverfið - og ágóðinn af þeim störfum fer ekki úr landi!

## Þjód meðal þjóða

Aðild að Evrópusambandinu snýst um lífsskjör, stöðugleika í efnahagsmálum og þróun samfélagsins. Það skiptir máli að húskaupendur geti tekið lán með lágum vöxtum og án verðtryggingar; þannig má bæta hag heimilanna og minnka skuldir þeirra. Það skiptir máli að unga fólkið geti sótt nám til Evrópu og vilji snúa aftur heim. Það skiptir máli fyrir fyrirtækin í landinu og byggðaðróun að hafa aðgang að mörkuðum, tengslaneti, og stöðugu rekstrarumhverfi. Góður samningur við Evrópusambandið mun hafa jákvæð áhrif á lífsskjör á Íslandi líkt og í öðrum Evrópuríkjum.



Anna Margrét hefur góða þekkingu á atvinnumálum og hefur barist fyrir aðild Íslands að ESB. Hún rekur eigið ráðgjafar-fyrirtæki, er varaþingmaður og gegnir ýmsum trúnaðarstörfum fyrir Samfylkinguna. [www.annamargret.is](http://www.annamargret.is). [facebook/AnnaMargretGudjons](https://facebook.com/AnnaMargretGudjons)

## Munum:

- Byggjum stöðir atvinnulífsins á auðlindum þekkingar og náttúru
- Virkjum sköpunarkraftinn – gefum fólki kost á að skapa sinn eigin starfsvettvang
- Styrkjum litlu og meðalstóru fyrirtækin í útflutningi og öflun gjaldeyrstekna
- Eflum menntun og nýsköpun svo að til verði verðmæt störf
- Vinnum að ESB-aðild; hún snýst um lífsskjör okkar
- Verum þjód meðal þjóða!

## ARNAR GUÐMUNDSSON

4.-5. SÆTI

## Skýr atvinnustefna

Aukin fjárfesting og nýsköpun í atvinnulífinu er forsenda þess að við getum bætt lífsskjör án þess að lenda á ný í vítahring skuldaföfnunar. Mikilvægast er að við sköpum öllum greinum heilbrigðan rekstrargrundvöll með opnu samfélagi og samkeppni. Styrkur jafnaðarmanna mun ráðast af því að orð og gerðir fari saman í atvinnu- og auðlindamálum.

## Samkeppni og opnun gegn fákeppni

Atvinnustefna jafnaðarmanna fær stuðning í greiningum alþjóðlegra aðila s.s. McKinsey. Veikleiki atvinnulífsins er áskórn í arð sem myndast í skjóli aðstöðu með krónu sem samkeppnishindrun. Fákeppni í lykilorðinu auk úthlutunar á aðstöðu til að innheimta auðlindaarð af sameiginlegum auðlindum, breiðir yfir lága framleiðni og skapar þau óheilbrigðu tengsl viðskiptalífs og stjórnála sem ollu hruninu.

Stefna jafnaðarmanna er að verja almanna-hagsmuni með gagnsæjum leikreglum, brjóta upp fákeppni, opna samfélagið fyrir samkeppni og fjárfestingum með ESB aðild, efla nýsköpun og alþjóðageirann og skipta auðlindaarðinum með heildstæðri auðlindastefnu á forsendum sjálfbærrar þróunar. Andstaðan er óvæginn. Við þurfum á öllum okkar styrk að halda á þessu sviði.

## Leið jafnaðarmanna

Undanfarin ár hef ég leitt mótun heildstæðrar auðlindastefnu fyrir Ísland, komið að undirbúningi fyrstu stefnumótunar stjórnvalda um beinar erlendar fjárfestingar og orkustefnu fyrir Ísland. Þá hef ég unnið við erlendar fjárfestingar og atvinnuþróun undir merkjum Íslandsstofu, Fjárfestingarstofu, Útflutningsráðs og Aftvaka, atvinnuþróunarfélags Reykjavíkur. Nú óska ég stuðnings ykkar til að fylgja stefnumótuninni eftir.



Arnar Guðmundsson formaður Félags frjálslyndra jafnaðarmanna. Aðstoðarmaður iðnaðarráðherra 2009-2011 og fjármálaráðherra frá nóv. 2012. Stýrði auðlindastefnu-nefnd forsætisráðherra og atvinnumálanefnd Samfylkingar 2010-2012. Sjá: <http://arnar.posterous.com/>

## Áherslumál:

- Vaxtarleið jafnaðarmanna í atvinnumálum byggir á virkjun hugvits og menntun
- Opnum samfélagið og eflum fjárfestingu með stefnu á ESB aðild og upptöku evru
- Innleiðum heilbrigða samkeppni í stað fákeppni og blokkamyndunar
- Þjóðin fái hlutdeild í auðlindaarðinum til eflingar atvinnulífs
- Rétt greining á rótum hrunsins er forsenda enduruppbyggingar

## BJÖRK VILHELMSDÓTTIR

3.-4. SÆTI

## Ást og ábyrgð

Víð jafnaðarfólk viljum jafna lífsskjör og gefa öllum tækifæri. Þess vegna er ég í Samfylkingunni. Við erum umburðarlynd, alþjóðleg og trúum á kvenréttindi og mannréttindi fólks. Við flokkum ekki fólk í gefendur og þiggjendur - við erum öll þátttakendur.

## Velferð fólks

Það er forgangsmál að styrkja stöðu ungs fólks á leigumarkaði, gefa þeim tækifæri sem eru atvinnulausir og bæta stöðu barnafjölskyldna. Sem formaður velferðarnefndar Samfylkingarinnar hef ég undanfarin þrjú ár leitt stefnumótun flokksins. Nú vil ég fylgja tillögum Samfylkingarinnar eftir á Alþingi.


Ég vil virka þátttöku allra í samfélaginu. Ég vil ekki að fólk geti valið að gera ekki neitt. Það getur leitt til langtímafátækta og sjúkdóma og er óviðunandi. Afskiptaleysi samfélagsins má aldrei kosta fólk heilsuna. Fólk á að fá úrræði við hæfi; atvinnu, nám eða endurhæfingu.

## Velferð atvinnulífs

Ég hef áhuga á atvinnusköpun og uppgangi atvinnulífsins svo það verði bakhjarl öflugs velferðarsamfélags. Atvinnuuppbygging þarf að vera sjálfbær til að barnabörnin okkar eigi hið minnsta sömu möguleika og við. Velferð fólks og atvinnulífs fer til dæmis saman með uppbyggingu nýs Landsspítala. Þar eigum við að byrja strax.

## Ísland er og á að vera velferðarsamfélag

Stefnu Samfylkingarinnar og áherslur mínar má lesa um á [www.bjorkvilhelmsdottir.is](http://www.bjorkvilhelmsdottir.is) og á Fésbókarsíðunni <http://www.facebook.com/bjorkvilhelmsdottir>



Ég er fyrst og fremst velferðarkerling. Með því að óska eftir stuðningi í 3. - 4. sætið býð ég mig fram til að vera talsmaður Samfylkingarinnar í velferðarmálum, enda tel ég mig hafa reynslu, þekkingu og þor til að gera það með sóma.

## Áherslumál:

- Tækifæri í stað bóta og afskiptaleysis
- Barnatryggingar gegn barnafátækt
- Almennan og öftugan leigumarkað
- Sjálfbært samfélag fyrir barnabörnin
- Réttlátt samfélag sátta sem byggir á jöfnuði